



REPUBLIKA E KOSOVËS/REPUBLIKA KOSOVA

GJYKATA KOMERCIALE

Numri i lëndës: 2024:095536

Datë: 30.04.2024

Numri i dokumentit: 05641804

KF.nr.179/24

GJYKATA KOMERCIALE E KOSOVËS, Dhomat e Shkallës së Parë, Departamenti Fiskal, me Gjyqtaren Vera Gashi Bala, në çështjen juridike të paditësit G.R.Sh. me numër fiskal 603072505 dhe adresë në Prizren, rr. "Xhemil Fluku" p.n., të cilin sipas autorizimit e përfaqëson Argjent Sefa, avokat nga Prishtina, kundër të paditurës Administrata Tatimore e Kosovës, me seli në Prishtinë, me bazë juridike anulim vendimi, jashtë seancës, me datë 30.04.2024, mori këtë:

A K T V E N D I M

- Gjykata Komerçiale e Kosovës, Dhomat e Shkallës së Parë/Departamenti Fiskal SHPALLET JO KOMPETENT në pikëpamje lëndore për të vendosur sipas padisë, të ushtruar nga paditësi G.R.Sh. nga Prizreni.
- Pas plotfuqishmërisë së këtij aktvendimi, lënda së bashku me shkresat e saj, i dërgohet Gjykatës Themelore në Prishtinë - Departamentit për Çështje Administrative.

A r s y e t i m

Paditësi G.R.Sh. me numër fiskal 603072505, përmes përfaqësuesit të autorizuar me datë 26.03.2024 ka ushtruar padi në këtë gjykatë me të cilën ka kërkuar anulimin e aktvendimit nr. 542/2023 të datës 189.01.2024 të lëshuar nga organi i shkallës së dytë, Divizioni i Ankesave në ATK.

Gjykata pas shqyrtimit paraprak të padisë, e në përputhje me nenin 17 dhe 19 të LPK-së si dhe nenet 11, par. 2 dhe 13 të ligjit 08/L-015 për Gjykatën Komerciale, shqyrtoi kompetencën lëndore të Gjykatës në këtë çështje juridike dhe vlerësoi se Dhomat e Shkallës së Parë/Departamenti Fiskal i Gjykatës Komerciale, nuk është kompetente në pikëpamje lëndore për të gjykuar këtë lëndë.

Për të vlerësuar kompetencën, Gjykata fillimisht iu referua Ligjit nr. 08/L-015 për Gjykatën Komerciale, e i cili ligj në nenin 11, paragrafi 2, përcakton se *“Dhomat e Shkallës së Parë janë kompetente për të gjykuar në shkallë të parë të gjitha çështjet në juridiksionin e Gjykatës Komerciale”*, dhe nenit 13, par 4 me të cilin taksativisht përcaktohet se *“Të gjitha çështjet e përcaktuara në nën-paragrafin 1.11 të paragrafit 1 të këtij neni do të trajtohen në shkallë të parë nga Departamenti Fiskal”*.

Gjykata, vlerësimin se kjo çështje nuk bie në kompetencë të Departamentit Fiskal të Dhomave të Shkallës së Parë të Gjykatës Komerciale, e ka bazuar në atë se, paditësi nuk e gëzon cilësinë e ndonjë shoqërie tregtare, por ka cilësinë e personit fizik.

Kompetenca e Gjykatës Komerciale në kontestet administrative të iniciuara nga shoqëritë tregtare është e rregulluar me Ligjin nr. 08/L-015 për Gjykatën Komerciale, e i cili ligj në nenin 11, paragrafi 2, përcakton se *“Dhomat e Shkallës së Parë janë kompetente për të gjykuar në shkallë të parë të gjitha çështjet në juridiksionin e Gjykatës Komerciale”*, dhe nenit 13, par 4 me të cilin taksativisht përcaktohet se *“Të gjitha çështjet e përcaktuara në nën-paragrafin 1.11 të paragrafit 1 të këtij neni do të trajtohen në shkallë të parë nga Departamenti Fiskal”*.

Gjykata, vlerësimin se kjo çështje nuk bie në kompetencë të Departamentit Fiskal të Dhomave të Shkallës së Parë të Gjykatës Komerciale, e ka bazuar në atë se, paditësi nuk e gëzon cilësinë e ndonjë shoqërie tregtare, por ka cilësinë e personit fizik dhe i njëjti nuk është i regjistruar në Agjencinë për Regjistrimin e Bizneseve të Kosovës (ARBK).

Kompetenca e Departamentit Fiskal është e rregulluar me nenin 13 paragrafi 1.11 të Ligjit nr.08/L-015 për Gjykatën Komerciale, me të cilin shprehimisht është përcaktuar se Gjykata Komerciale – Dhomat e Shkallës së parë - Departamenti Fiskal është kompetent të vendos për: *“kontestet administrative të iniciuara nga shoqëritë tregtare kundër vendimeve përfundimtare të Administratës Tatimore, Autoriteteve Doganore, Ministrisë së Financave dhe çdo organi tjetër publik përgjegjës për vendosjen e tatimeve ose detyrimeve të tjera shtetërore;”*

Ndërsa, përkufizimin e shoqërive tregtare shprehimisht e përcakton neni 3 par 1.22 i Ligjit Nr. 06/L -016 për Shoqëritë Tregtare, sipas të cilit: *“Shoqëria Tregtare është term i përgjithshëm që do të thotë dhe përfshin çfarëdo lloji të shoqërisë tregtare të themeluar në Kosovë sipas këtij ligji apo të një ligji tjetër siç është përcaktuar në nenin 5 paragrafi 3 i këtij ligji, duke përfshirë bizneset individuale, ortakëritë e përgjithshme, ortakëritë e kufizuara, shoqëritë me përgjegjësi të kufizuar dhe shoqëritë aksionare”*. Tutje neni 5 par 3 i të njëjtit ligj përcakton se: *“Me ligj të veçantë mund të përcaktohen edhe forma të tjera të organizimit të Shoqërive Tregtare ose subjekte të tjera që kërkohet të regjistrohen në Agjencinë e Regjistrimit të Bizneseve. Forma e organizimit si dhe të drejtat dhe detyrimet e të gjitha palëve në këto shoqëri tregtare ose subjekte të tjera rregullohen në ligjin përkatës më të cilin krijohet Shoqëria Tregtare ose subjekti përkatës. Dispozitat e ligji të veçantë që rregullojnë këto shoqëri tregtare ose subjekte të tjera, duke përfshirë dispozitat e ligjit në fuqi për ndërmarrjet publike, kanë përparësi ndaj dispozitave të këtij ligji”*. Ndërsa llojet e Shoqërive Tregtare janë të përcaktuara me nenin 5 par 1 të po të njëjtit, sipas të cilit: *“Një Shoqëri Tregtare mund të themelohet në Kosovë si Biznes Individual, Ortakëri e Përgjithshme, Ortakëri e Kufizuar, Shoqëri me Përgjegjësi të Kufizuar ose Shoqëri aksionare”*, po ashtu me par 3 të të njëjtit nen përcaktohet se *“Me ligj të veçantë mund të përcaktohen edhe forma të tjera të organizimit të Shoqërive Tregtare ose subjekte të tjera që kërkohet të regjistrohen në Agjencinë e Regjistrimit të Bizneseve. Forma e organizimit si dhe të drejtat dhe detyrimet e të gjitha palëve në këto shoqëri tregtare ose subjekte të tjera rregullohen në ligjin përkatës më të cilin krijohet Shoqëria Tregtare ose subjekti përkatës. Dispozitat e ligji të veçantë që rregullojnë këto shoqëri tregtare ose subjekte të tjera, duke përfshirë dispozitat e ligjit në fuqi për ndërmarrjet publike, kanë përparësi ndaj dispozitave të këtij ligji.”*

Në rastin konkret, paditësi G.R.Sh., nuk gëzon cilësinë e asnjërës prej këtyre llojeve të shoqërive tregtare, e as të ndonjë shoqërie tjetër tregtare të paraparë me ndonjë ligj të veçantë. I njëjti, po ashtu nuk është i regjistruar në Agjencinë e Regjistrimit të Bizneseve të Kosovës. Paditësi ka

cilësinë e personit fizik të cilit për qëllime tatimore, ATK-ja i ka vendosur numrin fiskal: 603072505. Fakti, se të njëjtit i është vendosur numri fiskal, nuk përbën element për të cilësuar si shoqëri tregtare të njohur sipas Ligjit Nr. 06/L 016 për Shoqëritë Tregtare, e as ndonjë shoqërie tjetër tregtare të paraparë me ndonjë ligj të veçantë.

Rrjedhimisht, Dhomat e Shkallës së Parë/ Departamenti Fiskal i Gjykatës Komerciale, duke u bazuar në nenet 19, dhe 23, par 1, të LPK-së, si dhe neneve 11, par 2, 13, par 1, nën par. 1.11, dhe par. 2 të këtij neni të Ligjit mbi Gjykatën Komerciale 08/L-015, konstatoi që kjo çështje juridike nuk bie në kompetencën lëndore të kësaj gjykate.

Nga të cekurat më lart e konform Nenit 387.1 pika (u) dhe Nenit 392 pika (b) të LPK-së, u vendos si në dispozitiv të këtij aktvendimi.

GJYKATA KOMERCIALE E KOSOVËS

Dhomat e Shkallës së Parë, Departamenti Fiskal

KF.nr.179/24, datë 30.04.2024

Gjyqtarja

Vera Gashi Bala

KËSHILLË JURIDIKE: Kundër këtij aktvendimi, është e lejuar ankesa në afat prej 15 ditësh nga dita e marrjes së këtij aktvendimi, Dhomave të Shkallës së Dytë, përmes Dhomave të Shkallës së Parë të kësaj Gjykate.